



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 6 23 0000174635



14/02/2023

სსიპ - ივანე ჯავახიშვილის სახელობის თბილისის სახელმწიფო უნივერსიტეტის
„ეროვნული უსაფრთხოების პოლიტიკა საჯარო მართველობაში“ სამაგისტრო (EMBA) საგანმან
ათლებლო პროგრამისთვის აკრედიტაციის მინიჭების შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ.

1.3. „აკრედიტაციის დებულების“ 27-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. აკრედიტაციის დებულების 27-ე მუხლის მე-7¹ პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1 სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2022 წლის 21 ნოემბრის №17760/01-06-03 წერილით (ცენტრში რეგისტრაციის - №1488799, 22/11/2022) წარმოდგენილ იქნა სსიპ - ივანე ჯავახიშვილის სახელობის თბილისის სახელმწიფო უნივერსიტეტის განაცხადი „ეროვნული უსაფრთხოების პოლიტიკა საჯარო მმართველობაში“ სამაგისტრო საგანმანათლებლო პროგრამის აკრედიტაციის თაობაზე.

2.2. ცენტრის დირექტორის 2022 წლის 06 დეკემბრის № 1554573 ბრძანების საფუძველზე, სსიპ - ივანე ჯავახიშვილის სახელობის თბილისის სახელმწიფო უნივერსიტეტი ცნობილ იქნა აკრედიტაციის მაძიებლად. ცენტრის 2022 წლის 21 დეკემბრის № 1638916 ბრძანების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი „ეროვნული უსაფრთხოების პოლიტიკა საჯარო მმართველობაში“ სამაგისტრო საგანმანათლებლო პროგრამის შეფასების მიზნით განახორციელა 2022 წლის 27 დეკემბერს. ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		•		
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა	•			
3. სტუდენტთა მიღწევები, მათთან ინდივიდუალური მუშაობა	•			
4. სწავლების რესურსებით უზრუნველყოფა		•		
5. სწავლების ხარისხის განვითარების შესაძლებლობები	•			

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 07 თებერვალს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე სხდომაზე დაინტერესებული მხარეების ზეპირი პოზიციის მოსმენის საფუძველზე, საბჭომ სრულად გაიზიარა ექსპერტთა დასკვნაში დაფიქსირებული შეფასება, თუმცა დაწესებულებას შესასრულებლად განუსაზღვრა რეკომენდაციები.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტისა, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 272 მუხლის პირველი პუნქტის, 275 მუხლის პირველი პუნქტის „ა“ ქვეპუნქტისა და მე-5 პუნქტის, 276 მუხლის პირველი პუნქტის „ბ“ ქვეპუნქტის, 33-ე მუხლის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ განათლების ხარისხის განვითარების ეროვნული ცენტრის დირექტორის 2011 წლის 01 ივნისის №223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ, კენჭისყრის შედეგად 12 ხმით არცერთის წინააღმდეგ,

გადაწყვიტა:

1. დაკმაყოფილდეს სსიპ - ივანე ჯავახიშვილის სახელობის თბილისის სახელმწიფო უნივერსიტეტის მიერ წარმოდგენილი სააკრედიტაციო განაცხადი და დანართი № 1-ით გათვალისწინებულ „ეროვნული უსაფრთხოების პოლიტიკა საჯარო მმართველობაში“ სამაგისტრო (EMBA) საგანმანათლებლო პროგრამას მიენიჭოს აკრედიტაცია კლასტერის ვადით - 2024 წლის 31 დეკემბრამდე, ერთი წლის თავზე ანგარიშის წარმოდგენით.
2. ცნობილ იქნას აკრედიტაციის ექსპერტთა ჯგუფის დასკვნა „ეროვნული უსაფრთხოების პოლიტიკა საჯარო მმართველობაში“ სამაგისტრო (EMBA) საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი № 2).
3. ცნობილ იქნას საბჭოს 2023 წლის 14 თებერვლის სხდომის №174697 ოქმის № 01 ნაწილი ამ გადაწყვეტილების განუყოფელ ნაწილად (დანართი № 3).
4. დაწესებულებას შესასრულებლად განესაზღვრა შემდეგი რეკომენდაციები:

რეკომენდაციები:

1. სწავლის პირველი და მეორე შედეგები ჩამოყალიბდეს ახალი ფორმულირებით, სამაგისტრო საფეხურის სირთულის შესაბამისი ზმნებით;
2. საზოგადოებასთან ურთიერთობის კურსის ჩანაცვლება სხვა დისციპლინით, რომელიც უფრო რელევანტურია პროგრამისათვის. ასეთად შეიძლება მივიჩნიოთ პოლიტიკის დიზაინისა და

ანალიზის კურსი, რომელიც პოლიტიკის შემუშავების მეთოდოლოგიის შესწავლას მოიცავს, სავალდებულოა საჯარო სექტორში სტრატეგიებსა და პოლიტიკის დოკუმენტებზე მომუშავე მოხელეებისათვის;

3. კურსი ადამიანური რესურსების მართვა საჯარო სექტორში, მეორე სემესტრის ნაცვლად, ჩატარდეს პირველ სემესტრში და გახდეს სტრატეგიული ლიდერობის წინაპირობა;

4. სავალდებულო საგნების სილაბუსებში გადაიხედოს ლიტერატურის მოცულობა და განისაზღვროს ის რეალური რაოდენობა, რისი ათვისებაც სტუდენტს ერთი კურსის ფარგლებში შეუძლია, შემცირდეს როგორც ლიტერატურის ჩამონათვალი (ძირითადი და დამხმარე), ასევე თითოეულ ლექციაზე საკითხავად განსაზღვრული გვერდების რაოდენობა; ხოლო იმ კურსებში, სადაც შემუშავებულია რიდერები, შესაბამისი მითითება მოხდეს სავალდებულო ლიტერატურის ნაწილში.

5. აკადემიური წერისა და კვლევის მეთოდების კურსში მეტად მოხდეს ფოკუსირება მონაცემთა შეგროვებასა და დამუშავებაზე რაოდენობრივი თუ თვისებრივი მეთოდებით.

6. გადაიხედოს კურსის „ადამიანური რესურსების მართვა საჯარო სექტორში“ სილაბუსის შინაარსი და გამდიდრდეს ის საჯარო ორგანიზაციებისათვის სპეციფიკური თემებით (მაგალითად, პერსონალის მართვა სსიპებსა და ა(ა)იპებში, რეკრუტირება, მოხელეთა კარიერული და პროფესიული განვითარება, შესრულებული სამუშაოს მიხედვით შეფასება და სხვა), ასევე დაემატოს საჯარო სამსახურის შესახებ კანონის განხილვა;

7. სილაბუსებში შეფასების რუბრიკა ფორმულირდეს ისე, რომ ასახავდეს კონკრეტული საგნის სპეციფიკას, რათა უკეთ იყოს უზრუნველყოფილი სწავლის შედეგის მიღწევა;

8. გადაიხედოს პრაქტიკული (პროფესიული) პროექტის სილაბუსი და გამდიდრდეს ის პრაქტიკული პროექტის შესრულებისათვის აუცილებელი ინფორმაციით, მათ შორის უნდა იყოს, პროექტის სტრუქტურა, ცალკეული ეტაპების განხორციელების ვადები და თითოეული კომპონენტის შეფასების რუბრიკა;

9. გაიზარდოს პროგრამის შემუშავებასა და განხორციელებაში დარგობრივი მიმართულებით უსდ-სთან ასოცირებული, დოქტორის სამეცნიერო ხარისხის მქონე პედაგოგების ჩართულობა; ამისათვის პროგრამის აკადემიური პერსონალი გამდიდრდეს პოლიტიკის მეცნიერებების ან უსაფრთხოების პროგრამების პროფესორების მოწვევის, ასევე თიას-სიდან მოწვეული პერსონალისთვის რაიმემ სახის აკადემიური თანამდებების კონტრაქტის შეთავაზების ხარჯზე, რაც ხელს შეუწყობს პროგრამის მდგრადობას და განვითარებას;

10. უსდ-მ მოახდინოს დამატებით კადრების მობილიზება სამაგისტრო ნაშრომის ხელმძღვანელებისთვის ანდა პროექტის შესრულებისას მოწვეული პერსონალიდან მოახდინონ თანახელმძღვანელის დანიშვნა, რადგან 3 პირი არ იქნება საკმარისი, რათა 25 კაცს გაუწიოს სამაგისტრო ნაშრომის ხელმძღვანელობა;

რჩევები:

1.3 კომპონენტი: სწავლის შედეგების შეფასება განხორციელდეს კურსის მიმდინარეობის პროცესშიც, ხოლო მიღებული მონაცემების ანალიზი გამოყენებულ იქნას კურსის გაუმჯობესებისათვის მის დასრულებამდე;

2.3 კომპონენტი: შემდეგ კურსებში: ლოჯისტიკა საჯარო სექტორში, უსაფრთხოების პოლიტიკისა და სტრატეგიის საფუძვლები, სტრატეგიული კომუნიკაცია და მოლაპარაკებები, სტრატეგიული ლიდერობა, სტრატეგიული მენეჯმენტი საჯარო სექტორში -სასურველია სწავლების მეთოდებს შორის სიტუაციის ანალიზის, ისევე, როგორც გადაწყვეტილების მიღებისა და პრობლემების გადაჭრის სიმულაციური პროგრამების გამოყენება;

4.5 კომპონენტი: დარწმუნდით, რომ ბიუჯეტით გამოყოფილი დაფინანსება ადეკვატურია, ინკლუზიურია და საკმარისია ყველა სტუდენტის, აკადემიური თუ მოწვეული პერსონალისთვის. ჩაატარეთ დამატებითი კვლევები მივლინებისა და სამეცნიერო კონფერენციებში მონაწილეობის მხარდაჭერით ფაკულტეტის რამდენმა პროცენტმა ისარგებლა და დაადგინეთ დაფინანსების სუსტი წერტილები, რათა მოახდინოთ ბიუჯეტის უფრო ეფექტიანი და ინკლუზიური ხარჯვა.

5. საბჭოს აღნიშნული გადაწყვეტილება ძალაში შევიდეს 2023 წლის 07 თებერვლიდან.

6. საბჭოს მიერ გაცემული რეკომენდაციების შესრულების თაობაზე ანგარიშის წარმოდგენის ვადად განისაზღვრა 2024 წლის 07 თებერვალი.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24-ე მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის II შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი №64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

საგანმანათლებლო პროგრამების აკრედიტაციის

საბჭო

საბჭოს თავმჯდომარე

ბუჩაშვილი გოდერძი




საგანმანათლებლო პროგრამების

აკრედიტაციის საბჭო

საბჭოს მდივანი

ტეფნაძე დავით



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	ეროვნული უსაფრთხოების პოლიტიკა საჯარო მმართველობაში
2	ერთობლივი უმაღლესი საგანმანათლებლო პროგრამა	-
3	სტატუსი	ახალი
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	
6	უმაღლესი განათლების საფეხური	მაგისტრატურა
7	დაშვების წინაპირობები	
8	კვალიფიკაციის დონე	VII
9	კვალიფიკაციის დასახელება	აღმასრულებელი ბიზნეს ადმინისტრირების მაგისტრი საჯარო მმართველობაში/Executive Master of Business Administration(EMBA) in Public Administration
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0413 მენეჯმენტი და ადმინისტრირება
12	სწავლების ენა	ქართული
13	ECTS კრედიტების ჯამური რაოდენობა	60
14	განხორციელების ადგილი	1) უნივერსიტეტის ქუჩა #2, თსუ X (მაღლივი) კორპუსი, ქ. თბილისი, 0186, საქართველო; 2) დანიელ ჭონქაძის 20, ქ. თბილისი, საქართველო.
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
16	ამ გადაწყვეტილების ძალაში შესვლის თარიღი	07/02/2023
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	07/02/2024
18	აკრედიტაციის ვადის გასვლის თარიღი	31/12/2024